



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.4. Animæ, Christum impensè laudare satagentis, id idque quàm potest longissimè, desiderio extendentis se atque exporrigentis, paradigma.

[urn:nbn:de:hbz:466:1-47123](#)

Christum, Dominum ac Redemptorem nostrum erit: Deo Patri gratias agere, quod filium suum nostram gratiam in passione sua usque eod dejectum atque depresso, exinde gloriam & honore coronaverit; atque ex profunda illius exinanitione, majorem tum nominis sui, tum ipsius Unigeniti gloriam, decus, exaltationem collegerit. Quippe & universè omnis undecunque divina gloria manifestatio, gratum à nobis animum exigit; ita nos informante Ecclesia, quæ in Doxologia sacrificali, Deo etiam gratias agit, propter magnam gloriam suam; cùm nimis ratione, quod licet ex omnibus, quæ nobis Deus dare consuevit, solam gloriam sibi velit esse propriam; non tamen hanc sibi ita reservet, quin eandem velit omnem nostris commodis utilitatibusq; servire, cùm eā ipse non egeat, ut qui per omnia ipse sibi sufficiens sit. Et peculiaris est gloria Christo à Patre concessatio. Hæc enim, non uno nomine speciatim, beneficium nostrum est: tum quia concessa naturæ nostræ, cuius honor etiam pertineat ad singulos; tum quia Domino, patrono, duci, principi, liberatori, assertoriq; nostro delata; tum quia merces est ejus laboris, quem ipse nostram causam suscepit; ac proinde ejus obligationis, quæ natura nostra se liberare non poterat, ab illa divina & locuplete manu, nonnulla quasi exolutio. Addo, ipso amore omnia communia effici; ut proinde quidquid dilecto Jesu honoris aut gloria accedit, juxta acsi istud omne nostrum sit, eapropter & ipsi gratulari, & nobis gaudere debeamus.

§. 4.

*Anime Christum impense laudare fatagentis, in idque
quam potest longissime, desiderio extendentis se, atq;
exorrigentis, par adigma.*

V Erum ut rem omnem in breve contraham, in qua per-
tractanda sicubi visus sum prolixior, pensabit credo
Gggz pro-

prolixitatem ipsa materia officiisq; suavissimo Redemptori debiti dulcedo ; extremum hoc monitum esto.

Paupertati nostræ , quod quidem ad præsens attinet, non leve hinc solatum suppetere ; quod, si in gratia Amoris nostro crucifixò referenda, rebus ipsis divites non sumus at ipsis tamen desiderijs oppidò munifici, & votorum largi atque profusi esse possimus.

In hanc igitur artem industriamve extremo te consueta explica ; & concepto , quoad animus tuus longè latèq; potest, immenso, ardenti, insatiabili Dōminum sum dilaudandi desiderio, id pro eximio genere laudis cuti reverà est) sufficere.

Optabis subinde, exempli causâ, ut omnium quinque fuisse, sunt & futuri sunt, hominum cordibus acquis præditus esses, quod tibi licet pro voto tuo, per omnia temporum locorumq; spatia , communem Dōminum amare, colere, celebrare ; eiq; valeres omnium voce, & voluntatis naturæ præco , legatus , interpres , pro opprobriis gloriam, pro victoria laudem , pro amore amorem, pro beneficijs gratiam , in omni etiam æternitate representare.

Optabis alias, ut membra omnia , articuliq; corporis tui , musculi , ossa , membranæ , nervi , fibræ , arteriæ , in plectra vertantur & chordas ; & hinc innumera organa existant , divinis laudibus assiduo carmine concelebrandis, accommodata. Itemq; ut omnis animi tui membrorumque tuorum motio , actus sensuum , agitatio cordis , venarum pulsus , arteriarum micatio , aspiratio pulmonum , sanguinis fervor , spirituum discursus , omnis inquam vigentis animæ operatio atque energia , pars quædam existat divina laudis , & assidua atque festiva miserationum Domini prædicatio.

Tandem (libera enim sunt cordis humani desideria, & pro voto suo quidvis fingere , difficile non est amari) ut tu ipse demum quantus quantus es , totus vox sias optabis,

sonora, efficax, infatigabilis, & velut Echo assiduè repetens reddénsq; sonum divinæ laudis, ex universis ejus operibus, naturæ, gratiæ, atque gloriæ modulatè resultantis. Nam cùm verbi intus in mente concepti, parris quidam atque expressio sit externa vox; & mundus iste aspectabilis Verbo Domini (ut ait Scriptura) firmatus sit, Deoq; loquente atque dicente prodierit; consequens est, istas naturas omnes, sed pro modo suo quamlibet, vocem quandam esse auctoris sui, tum ipsius erga nos amorem, tum laudes reliquas excellentémq; summa divinitatis gloriam (si quis ei sono aures aptatas affuefactasve habuerit) non obscurè prodentis & enarrantis. Ubi rursum tibi gratulabere, quod ad Dei Christiq; gloriæ vocalissimè annuntiandam, factus sis in animam viventem, sive ut Chaldaeus vertit, *in animam loquentem*. Unde etiam exultans dices, exclamabisq; cum Rego Propheta: *Et anima mea illi vivet, & semen meum seruit ipsi: cogitationes, inquam, affectus, vota, desideria,* qui veluti quidam mentis nostræ partus sunt, sanctorūmq; operum ac beatæ semina immortalitatis. Ut quid enim vivo ac spiro (inquires) nisi ut te diligam, tibi vivam, ad te aspirem, in te suspirem, tecum conspirem, ac denique expiriem, ô dilecte mi, & dulcissime Sponse animæ meæ?

At ecce hîc tandem subjunctum habes sanctorum istorum affectuum votorūmq; exemplum, & tanquam formam quam imitere; si quando te par mentis ardor, aut Divini Spiritus subtilis afflatus incesserit.

Admirabilis quippe est ac penè incredibilis eo in generre ardor animi Henrici Susonis ex Ordine Prædicatorum., viri omnino pij, & pro Christi amore ac gloria multis horrendisque vexationibus exerciti: qui in Dialogo æternæ Sapientiæ, post expensa capitibus pluribus divina beneficia, & istud nominatim quo de agimus, amarissimæ passionis ac mortis Christi; ingenti incensus tantam bonitatem assiduè lau-

Gen. 2.

Pjäl. 21.

c. 25.

laudandi desiderio, in omnes sese convertit artes, modò omnes ac rationes exquitit, quibus suæ illi ardentissime cupiditatí aliquousque obsequi atque satisfacere posuit. Dilectat nonnulla ex ejus prolixiore discursu specimenis grati libare, in breve contracta, meis ferè verbis, sed autoris p̄fsum sententiâ retentâ. Sic igitur ille, ad Deum suspirans, inter cætera:

Quis dabit, inquit, æstuanti cordi meo, ut aliquando te, pro eo ac desidero, laudare possim; tōtq; de intimi meis præcordijs tibi gratissimæ laudationes existant, quo unquam fuere musicorum organorum soni suaves, quorū loris herbulae, quot atomi in sole volitantes, neque vel momentum, laudis tua vacuum exigam, sed quādam laudantē te perennitate, illam vel modò experiri incipiam, alterius vita desideratam felicitatem? Crebro equidem dixisse matini inter æstus desideriorum meorum: Quid tantopere properatis, cœlestes orbes? Ut quid tantā cursus incitatio ne, momenta & horæ, dies & anni festinatis? Sistite pr̄rumper, amabō, aut moderamini sanè cursum istum agitationemve præproperam; dum pro voto Dominum meum laudibus celebrem, neque ante de vita, quām ista perfusus voluptate, decedam.

Indignus quidem sum, Domine, qui tibi laudem uliam offeram: attamen id saltem optare ausim, ut in vicem mem re prædicet cœlum, cùm maximè præclarâ ac festâ luce sidrum suorum perfusum est; celebret & terra, omnigenit̄ dens florum ac colorum amoenitate; laudem dicant tibi unum collectæ cogitationes omnes & flagrantia desideria, quibus unquam arfere animæ sanctæ, Divini Spiritus invadante gratiâ perfusæ.

Enimvero, uti perspicio, laudare te affectant omnia, quo modo & quâ voce possunt. Etiam laudens te rane in paludibus, & quanquam canere nequeunt, at coaxant mo dulio.

dulo suo. Ego autem, qui ad hoc natus sim, ut te cognoscam, amem, colam, celebrem, quomodo tandem à laude tua continere me possim? Qui si laudare te nequeo, velut sublimes Cedri Libani, ut cœlestes, inquam, & angelicæ mentes; at laudem te saltem velut horridus & aculeis asper carduuus: ne solus utique in isto tanquam universæ naturæ choro, laudis tuæ exors, & cessator odiosus, inveniar.

Laudabo igitur te in vita mea, & donec aliquis mihi superabit anhelitus: at cùm, urgente fato, me lingua voxq; defecerit, volo, ut quilibet digitus motus ac protensio, pro clausula sit universæ laudis, quam tibi unquam deproprie- rim: ac deinde carne in suum pulverem resoluta, opto ut è singulis quamlibet minutis, corporis hujus pulvisculis fla- grantissima tui laus prorumpat; pérq; saxa & rupes, per terras & maria, pérq; celos ipsos latè diffusa, pervadat in- tui conspectum, atque id ad diem usque ultimum, quo cor- pus & anima mea inter se se rursum, sed indissolubili nexu, copulata, evadant jam indefatigabile perennis tuæ laudis instrumentum.

Atque ista ferè ex sensu viri illius sancti, atque æternæ Sapientiæ luce non mediocriter collustrati; quibus nos pa- tia ad amorem nostrum Crucifixum proferre quandoque delectabit, neque tam lingua quam cordis officio; ubi nos præsertim divino instinctu ad id impelli senserimus.

CAPUT XXVIII.

*De quadam animi confusione atq; pudore,
ex passionis Christi contemplatione,
concipiendis.*

Confusionem hoc loco appello, cum autoribus præser-
tim Ecclesiasticis, illum animi affectum, quo vel ac-
ceptæ